



‘All Stars Buka Panggung’ cabar bakat lakonan dan melawak serta uji skil improvisasi pelakon popular tanah air!

Datuk Aaron Aziz, Datuk Rosyam Nor, Datin Seri Umie Aida, Datin Diana Danielle, Rita Rudaini, Fizo Omar, Fauzi Nawawi dan Zulhuzaimy di antara nama-nama besar sahut cabaran di pentas utama program terbaharu terbitan Astro Warna

20 Ogos 2019, Kuala Lumpur - Astro Warna dengan berbesar hati melancarkan program ‘All Stars Buka Panggung’ yang merupakan sebuah **pertandingan stagecom (komedi pentas) berkonsepkan realiti** yang menampilkan nama-nama besar industri lakonan tempatan yang dicabar untuk mencuba nasib dalam **seni komedi improv**.

Bermula **6 September 2019** ini, ‘All Stars Buka Panggung’ bakal menyerikan saluran **Astro Warna (CH132)** dan **Astro Warna HD (CH124)** secara langsung dari **Royal Theatre, Shah Alam**, pada **setiap hari Jumaat, jam 9.00 malam**. Untuk pilihan alternatif, ia boleh distrim secara langsung menerusi platform digital **Astro GO** dan ‘**On Demand**’.

Keunikan program ini terletak pada formatnya di mana ia menguji dan mencabar pelakon terhebat tanah air untuk beraksi dalam **babak komedi pentas** yang penuh dengan elemen kejutan.

Ini adalah kerana para peserta tidak akan diberikan sebarang pembayang mengenai situasi dan set sketsa di sebalik tirai tetapi mereka hanya akan mengetahui situasi tersebut di saat tirai dibuka dan apabila mereka melangkah masuk ke dalam set sketsa di pentas ‘All Stars Buka Panggung’. Dalam erti kata lain, **tanpa sebarang skrip**

disediakan, peserta perlu mengadaptasi kepada situasi yang ditugaskan dan **membuat improvisasi dialog mereka sendiri sambil berlakon.**

Menggalas tugas hos adalah **Ajak** dan **Shahrul** dari kumpulan **Shiro** yang pernah meraih takhta juara bagi program 'Raja Lawak Musim Ke-6' pada tahun 2012 dan 'Maharaja Lawak Mega' pada tahun 2018. Mereka dipilih atas kebolehan mereka membuat jenaka secara bersahaja dan '*natural*', selari dengan konsep 'All Stars Buka Panggung'.

Bersandarkan kepada *tagline*, '**Katakan Tidak Kepada Skrip!**', penjurian bagi program ini adalah **100 peratus dari penonton** yang boleh mengundi secara dalam talian. Audiens di dewan dan di rumah boleh mengundi dengan melayari www.gempak.com/allstarsbukapanggung. Menarik lagi, setiap pengundi hanya diberikan **10 undian sahaja** pada setiap minggu.

Untuk **5 minggu** berturut-turut, barisan pelakon hebat ini akan berentap sesama mereka untuk merebut gelaran **Juara Mingguan** yang akan menerima sebuah **trofi** sebagai ganjaran. Juara Mingguan ini kemudiannya akan **kembali di minggu keenam, iaitu minggu separuh akhir** di mana mereka diperlukan untuk berentap sekali lagi demi memastikan kedudukan mereka di pentas akhir. Hanya **4 orang peserta** sahaja bakal beraksi di pusingan kemuncak bagi merebut gelaran juara seterusnya membawa pulang wang tunai sebanyak **RM 50,000 dan sebuah trofi!**

KENYATAAN RASMI WAKIL ASTRO

Norzeha Mohd Salleh, Pengurus Saluran Astro Warna, Prima dan InTrend berkata:

"Bagi mengukuhkan kedudukan Astro Warna sebagai satu-satunya saluran komedi utama di negara ini, kami cukup optimis dalam memperkenalkan kandungan komedi pelbagai format bertujuan untuk memberi lebih pilihan dan pengalaman menonton yang mempersonakan buat pelanggan kami.

Berbeza dengan pertandingan komedi yang pernah diterbitkan sebelum ini, kami bawakan pula format baharu menerusi program 'All Stars Buka Panggung' yang membawa kelainan tersendiri apabila buat julung kalinya bakal menyaksikan pertembungan sengit barisan pelakon popular tanah air yang akan memperlihatkan bakat terpendam mereka dalam bidang komedi dan lawak jenaka.

Jika sebelum ini, penonton Astro Warna biasa disajikan dengan persembahan 'stagecom' (komedi pentas) bersahaja, tanpa skrip dan improvisasi oleh pelawak-pelawak tanah air dan hanya sebahagian pelakon sahaja yang pernah diundang sebagai 'cameo' atau jemputan, contohnya seperti program 'Sepahtu Reunion'. Kali

ini pula, elemen ini diangkat menjadi sebuah pertandingan yang mencabar selebriti yang bukan terdiri dari kalangan pelawak.

Bukan mudah untuk berlakon, apatah lagi untuk membuat lawak secara improv, tanpa bersandarkan skrip rujukan. Untuk menguasai kedua-dua cabang seni ini (berlakon & berlawak), ia memerlukan ilmu dan penghayatan luar biasa. Menerusi penganjuran program ini, kami ingin mencari titik keseimbangan untuk melahirkan penggiat seni yang versatil seterusnya merangka struktur kandungan komedi yang berkualiti dan padat dengan mesej bermakna.

Semoga dengan penerbitan pertandingan ini, jurang industri lakonan dan komedi dapat dirapatkan sekaligus mampu mentakrifkan semula definisi kepelbagaian bakat seseorang pelakon mahupun pelawak serba-boleh.”

TRIVIA BAGI PROGRAM ‘ALL STARS BUKA PANGGUNG’

- Penerbitan ‘All Stars Buka Panggung’ turut disokong oleh **Oppo**, syarikat elektronik dan komunikasi mudah alih yang tampil selaku penaja.
- Manakala portal **Zon Lawak** di bawah **Gempak** turut menghulurkan sokongan selaku **Rakan Digital** serta **Gegar** sebagai **Rakan Radio Rasmi**.
- Program ini juga mendapat sentuhan barisan pemuzik berpengalaman tanah air yang diketuai oleh **Rody Kristal** selaku **Pengarah Muzik**.
- Format utama program ini adalah untuk menguji kehebatan lakonan dan lawak serta skil improvisasi barisan pelakon tanahair. Kerana pada setiap minggu, dalam setiap set sketsa ‘All Stars Buka Panggung’, barisan pelakon tetap akan bersedia disebalik tirai untuk memulakan sketsa yang menguji tahap kehebatan improv dan *adlib* (persembahan spontan) para peserta.
- Antara contoh situasi, **set sketsa** dan watak yang akan diberikan kepada peserta adalah seperti **suasana** di tanah perkuburan, angkasa lepas, padang pasir, mahkamah dan banyak lagi.
- Menarik lagi pada setiap minggu, **peserta dikehendaki menyediakan satu lagu pilihan mereka untuk diselitkan dalam persembahan sketsa**. Namun begitu, lagu tersebut akan dimainkan secara rawak pada bila-bila masa tanpa memberi sebarang klu pada peserta, dan sekali lagi mereka diuji untuk menyesuaikan situasi sketsa dengan lagu tersebut.
- Pada setiap persembahan akan terselit beberapa **pelakon undangan** atau ‘**All Legends**’ yang turut terdiri daripada barisan selebriti popular tanah air sebagai

'plot twister' di set sketsa tersebut! Identiti mereka akan dirahsiakan sehingga tirai set sketsa itu dibuka. Nantikan kemunculan mereka!

- Juga pada setiap minggu, 'All Stars Buka Panggung' menerusi Juara Mingguan akan menyalurkan sumbangan sebanyak **RM 4,000** kepada pelakon tanah air yang telah berbakti kepada industri seni tanah air, tetapi kini memerlukan bantuan, dengan kerjasama **Persatuan Seniman Negara**.
- Program ini akan dipancarkan secara langsung dari **Royal Theatre, Shah Alam** untuk **7 minggu** berturut-turut dan bersiaran selama **90 minit**.
- Selain itu, program komedi variasi '**All Stars Buka Panggung Extra Pecah!**' akan disiarkan mulai **13 September, jam 10.35 malam** untuk **7 minggu** berturut-turut, yang akan menampilkan peserta All-Stars beraksi dengan permainan yang pasti menggeletak hati penonton.
- Terdapat juga kapsul istimewa '**Cuit-Cuit All Stars Buka Panggung**' bakal bersiaran mulai **4 September**, setiap **Rabu hingga Jumaat** pada **12 tengah hari**. Kapsul ini berkonsepkan komedi variasi yang mempunyai beberapa segmen menyeronokkan seperti alih suara, jawab soalan pantas and cepumas, berlakon menggunakan prop, tiru gaya artis, dan banyak lagi.

'ALL STARS' MINGGUAN DI 'ALL STARS BUKA PANGGUNG'

'ALL STARS' MINGGU PERTAMA	○ Datuk Aaron Aziz ○ Datin Seri Umie Aida ○ Naim Daniel ○ Liyana Jasmay
'ALL STARS' MINGGU KEDUA	○ Datuk Rosyam Nor ○ Datin Diana Danielle ○ Fizo Omar ○ Farahdhiya
'ALL STARS' MINGGU KETIGA	○ Fahrin Ahmad ○ Zulhuzaimy ○ Sharifah Sakinah ○ Sweet Qismina
'ALL STARS' MINGGU KEEMPAT	○ Datuk Fizz Fairuz ○ Johan As'ari ○ Rita Rudaini ○ Ruhainies

**'ALL STARS'
MINGGU KELIMA**

- Fauzi Nawawi
- Izzue Islam
- Noorkhiriah
- Mona Allen

HADIAH KEMENANGAN

Tempat Pertama : RM 50,000 dan trofi

Tempat Kedua : RM 25,000 dan trofi

Tempat Ketiga : RM 10,000 dan trofi

Tempat Keempat : RM 5,000 dan trofi

IKUTI INFO TERKINI 'ALL STARS BUKA PANGGUNG' DI PLATFORM INI



Facebook Rasmi
Portal Zon Lawak



Tanda Pagar Rasmi
Portal Zon Lawak



Instagram Rasmi
@ZonLawak

TAMAT